

光緒
湖北
輿地
圖記



武昌府輿地記三

咸甯縣

沿革



光緒湖北輿地記三

禹貢荊州之地職方爾雅亦屬荊州周爲楚地秦屬南郡漢爲沙羨鄂縣地屬荊州江夏郡東漢因之三國吳改鄂爲武昌咸甯則爲沙羨武昌地屬荊州武昌郡晉復置鄂縣咸甯復爲沙羨鄂縣地屬荊州之武昌郡元康二年改屬江州晉末汝南郡民流寓夏口因於沙羨僑立汝南縣孝武太元三年省沙羨入沙陽後以其地爲汝南實土咸甯則爲汝南鄂縣地汝南屬江夏郡鄂縣屬武昌郡均隸郢州齊梁陳因之隋平陳改汝南爲江夏廢鄂入武昌咸甯則爲江夏武昌二縣地屬荊州江夏郡唐仍爲江夏武昌二縣地於其地置永安鎮屬江南西道鄂州

光緒湖北輿地記三

一

永泰後置鄂岳觀察使元和中置武昌軍節度使鄂州皆屬之五代於梁唐時鄂州屬吳唐遙改武昌軍爲武清軍吳改永安鎮爲永安場於晉漢周時鄂州屬南唐保大十三年升永安場爲永安縣宋景德四年改永安曰咸甯縣卽今縣也屬荆湖北路鄂州元咸甯屬湖廣等處行中書省武昌路明咸甯屬湖廣布政使武昌府 國初因之康熙三年分湖廣布政使爲湖北布政使咸甯縣屬湖北布政使武昌府

疆域

廣七十一里縱八十三里至 京師陸程三千零六十里至本

府陸程一百八十里橫距府經綫八里縱距府緯綫一百三十

二里斜距府一百三十六里東至武昌縣興國州界五十里西

至蒲圻嘉魚二縣界二十二里南至崇陽通山二縣界四十七

里北至嘉魚縣界三十六里東南至興國州界五十里東北至武昌縣界四十八里西南至蒲圻崇陽二縣界四十三里西北至嘉魚縣界二十四里

天度 坤日出入

緯度北極出地二十九度五十二分三秒經度距京師中綫偏西二度十七分四十七秒

冬至日出卯正三刻十二分四十二秒日入酉初初刻二分十八秒晝四十分四分三十六秒夜五十五刻十分二十四秒夏至日出卯初初刻二分十八秒日入酉正三刻十二分四十二秒晝五十五刻十分二十四秒夜四十分三十六秒

山

省垣正脈自縣南四十六里之蓮荷嶺入縣境東池爲咸甯界

光緒湖北輿地記三

二

於通山詳之至縣東南五十里之北山轉而東北池爲咸甯興國界山至縣東南五十里之桃花尖卽鐘臺山一名泰山圖經言卽水經注塗水所出之泰山而戴震趙一清據魏書宣武帝紀及寰宇記以塗水出金山當爲桃花尖西北之金雞山然亦桃花尖聯屬之山相去不過十餘里以爲塗水所出亦不甚遠寰宇記言上有桃花洞卽李邕讀書之所石室見存上有石臺臺上有石鐘或時自鳴遠近皆聞輿地紀勝言上有泉甚甘潔里人用以造茶號曰桃花絕品山之北東水出焉東北張家橋水出焉於是正脈至此分支東池爲咸甯興國界又興國大冶武昌諸山之祖也

東支自桃花尖北入咸甯境延亘於東水與張家橋水閒者有石羊城山支阜自桃花尖南入興國境有大地山石屋坑

支阜桃花尖之東北曰洪山寺洪山寺之北入咸甯境延亘於大墓山水與常收畷水閒者曰龜山曰筆架山曰香爐山曰劍頭山洪山寺西北延亘於常收畷水與東水閒者曰鳳皇山鳳皇山之東北曰石姑尖曰姚家山鳳皇山之西北曰長嶺鳳皇山之北曰牛鼻山寰宇記云有深潭一百丈四面青蘿綠竹可觀山形似牛鼻也牛鼻山之北曰油鋪山洪山寺之東北曰大墓山大墓山水出焉世傳唐李靖母墓在此上有三十六峰峰下靈泉禱雨輒應大墓山池東爲興國武昌界於興國詳之

桃花尖之西曰飛雞墩飛雞墩之北延亘於石獺水與東水閒者曰石獺山飛雞墩之西曰仙人墩又西曰桃花泉桃花泉之南曰石鼓山桃花泉之西南曰巖家山桃花泉之西曰銅鼓尖

光緒湖北輿地記三

三

下有張口泉銅鼓尖之北曰龍溪山銅鼓尖之西曰雙峰尖此延亘於塗水東西兩源閒支阜也飛雞墩之西北曰金雞山卽水經注寰宇記所言之金山也其西塗水東源出焉其東石獺水出焉金雞山之北曰李家山又西北曰盤山又北曰梅花山梅花山之西曰竹子山梅花山之北曰馬鞍山又東北曰游家山又北曰黃家嶺黃家嶺之東北曰周家山黃家嶺之西北曰呂家山黃家嶺之北曰李家山此支阜延亘於高橋河東西兩源閒者也梅花山之西曰川字峽又西曰盤龍山盤龍山之西曰金盆山又西曰獨山盤龍山之北曰小黃山高橋河西源出焉小黃山之北曰黃牛山黃牛山之東北有兩支阜其東支延亘於高橋河西源與鹿過橋水閒者曰沈廖山其西支延亘於鹿過橋水與六齊橋水閒者曰楊家山黃牛山之西北有長嶺

支山

長嶺在黃牛山之西北官埠港別源出焉長嶺之南曰尖山又西曰蛇山又西曰雙嶺又西南曰蜈蚣嶺又南曰白羊嶺長嶺之西北曰雞脯嶺雞脯嶺之西南曰鳳皇山雞脯嶺之西北曰杜家山雞脯嶺之西曰大野山大野山之南曰硃砂嶺大野山之北曰光山大野山之西曰文筆山又西北曰第一山大野山之西南曰包子山曰讀書臺又北卽縣城此官埠港與塗水開支山也

黃牛山之北曰茅山官埠港水出其西六齊橋水出其東茅山之西北有支阜延亘於官埠港與赤土港間者東曰碧泉山有龍池四時不竭西曰茅屋墩茅山之北曰九嶼山赤土港水出焉又北曰石門山賀勝橋水出焉石門山有西北支至王家畝

光緒湖北輿地記二

四

其自王家畝西北延亘於賀勝橋水與桃林港間者曰孟家山冠山徐家灣背其自王家畝西延亘於黃塘湖與赤土港官埠港塗水間者北曰萬家山芷山龍頭背山南曰陳家山王家山吳家山窰背山臨塗水入湖之口石門山之東曰孟家衝孟家衝之東有支阜延亘於高橋河水與樊詩橋水間者曰干塘角曰九重山曰樊峰山曰三叉嶺爲咸甯武昌江夏三界孟家衝之西北曰孟家山孟家山之東北有紅土山支山

紅土山在孟家山之東北自紅土山北入江夏縣境延亘於南橋河水與符四橋水間者曰石山曰鼓行山自紅土山東北入江夏縣境有長支延亘於江夏之張橋湖武昌之烏翎湖間至符四橋北有佛山南有麥地嶺又東北爲江武界至佛山河發源處西支入江夏境者曰管山背又北至梅林古

剌西支入江夏境者曰蘆背東支入武昌境者曰詹家灣背
又北至玉皇閣西支入江夏境者曰考背曰燕山東支入武
昌境者曰涂家腦曰沙背曰李家背又北至祝家廟西北支
入江夏境者曰五里墩曰南背曰烏龜頭又北至駱家腦東
入武昌境者曰大頭背又北至武昌背又北入梁子湖中曰
香爐山曰梁子山曰靜山曰月山
孟家山之西北曰荷葉山又西曰青山南橋河水出焉又北曰
虎形山又北曰輞山入江夏境於江夏詳之寰宇記言輞山形
圓曲如車輞是也

蓮荷嶺之西北有東泉山支山東泉山之東曰黃嶺又東北
曰常輪山常輪山之東曰挂榜山常輪山之北曰獅子山東
泉山之東北曰馬面山又東北曰雞冠山又北曰橫山橫山

之東曰鄔家山橫山之北曰折木巖又北曰潛山有葛仙巖
形如展旗上有壇相傳葛洪煉丹處此均塗水西源與白木
畎水閒支山也東泉山之西北曰石獺山又西北曰竹林坳
竹林坳之西曰銅釘坳又西曰坳白嶺白嶺之北曰蛇頭
山坳白嶺之西曰繞泉山竹林坳之東北曰飛仙洞白木畎
水出焉又北曰鶴巢山山如鶴形又北曰造紙山又北曰玉
斗山又北曰笏山此洞口水與白木畎水塗水閒支山也竹
林坳之北曰禪臺山山勢峭峻又北至馬鞍塘馬鞍塘之西
北曰小尖山又西北曰喻家山喻家山之東北曰挂壁管箕
山喻家山之北曰高家山馬鞍塘之北曰案山案山之西北
曰鳳皇山案山之東北曰玉雞林玉雞林之北在王家橋水
之東者曰金雞山曰蝦蟆山曰石鼓嶺曰戴家嶺山曰鳳皇

山在王家橋水之西者曰仙雞山王家橋水出焉曰朱家山曰高墩高墩之北曰鐵鋪腦高墩之西北曰牛頭嶺曰長孫嶺曰南山曰干塘角此東泉山一支實延亘於塗水與汀泗橋水間也

水

塗水一名金水有二源西源出縣南少東四十六里之浚水嶺北流二里會自東來一小水又北流四里會自東來一水又西北逕巖家山西山犁頭北流八里逕白沙橋又西流里許有坳頭沖水自西南流逕柏墩西凡十四里來注塗水又西流二里受自西南來之鳴水泉又西北流四里逕譚甫橋又轉而北流十六里與東源會東源出縣東南四十里之金雞山西水經注塗水出江州武昌郡武昌縣金山寰宇記鄂

光緒湖北輿地記三

六

州江夏縣下云金水在縣南九十里出金山西注大江舊記云有金雞從雞翅山南飛產金於此故名則此金雞山實水經注寰宇記之金山而東源實水經注塗水正源也東源自金雞山西北流一曰白楊港逕龍溪山北盤山南凡十二里受自東北來之濯港水又西北流二里逕黃鐘橋又西流里許與西源會二源既會又西北流四里逕馬橋又西北流八里至潛山北受自東北來之姑嫂橋水轉而西南流七里白木畝水西南出飛仙洞東北流十八里來注塗水又北逕大龍潭西小龍潭東流三里受自東北來一小水又西北流八里有彭家畝水東北流十六里來注塗水又北流五里至城西戴家嶺東又西北流兩岸均築隄束水蓋入湖壤耳所謂宿普湖關陽湖紫潭湖谷口湖皆是水漲則汪洋一片水

落皆平沙一望彌數十里流十六里至沙冒翅南有官埠港
水東南出城東二十二里之茅山西麓西北流六里至老鱗
橋受自南來之長嶺水又西北流八里至官埠橋市又西北
流四里至河底市南有赤土港東出九鱗山西北流十三里
逕駕城鋪南又西流二里至新橋受自南來之橫溝橋水又
西南流十二里來會官埠港既會赤土港又西流二里受自
北來之胡家灣水又西流二里逕張沙渡又西北二里至陳
家山東南受自北來一小水又西北流五里受自北來之太
平橋水入塗水塗水又西流南岸築隄北岸則傍山麓六里
逕朱公廟西又西北流六里至窰背南曰水門口入斧頭湖
自窰背傍湖岸西北池六里至彭家背轉而東池逕龔家灘
龍王廟北十二里轉而北池四里至龍頭背又轉而東池十

里至芷山北又東池五里至萬家山北芷山萬家山間有汊
南匯約三里曰螺澗又自萬家山東池六里至黃石橋市北
有桃花港水東自合冲畝西流五里逕桃林鋪北又西流五
里來注自黃石橋市北渡二里至北岸轉而西池七里至余
家灣背背臨黃塘湖北對江夏之牛頭背實賀勝橋水西出
之口也池北詳江夏篇又自城西戴家嶺北傍湖岸西池三
里轉而北池八里至鳳皇山北又轉而南池五里至王家橋
有王家橋水南出仙雞山之東麓北流六里逕北洪橋市又
北流八里來注自王家橋轉而北池十里至李家海有曹家
橋汊南匯約八里自李家海西池六里受自東南來之張家
橋水又北池三里至帝王廟北又轉而西南池五里至干塘
角北對嘉魚之老鴨背僅三里耳又南池十七里至汀泗水

口迤西詳蒲圻篇

鄉鎮

縣有鎮市二十二鄉四都十六

官埠鎮在縣東十里河底鎮在縣東北十里馬橋鎮在縣南二十里萬壽橋鎮在縣南四十里白沙橋鎮在縣南四十五里茶地鋪鎮在縣東四十五里橫溝橋鎮在縣東二十里雙溪橋鎮在縣東四十五里樊石橋鎮在縣東四十五里高橋鎮在縣東五十里袁家鋪鎮在縣東三十里窩背鎮在縣北三十里張家廟鎮在縣北二十里黃石橋鎮在縣北三十里賀勝橋鎮在縣東北四十五里桃林鋪鎮在縣東北三十里古塘角鎮在縣西二十里汀泗橋鎮在縣西三十里甘塘角鎮在縣西北二十里北洪橋鎮在縣西十里柏墩鎮在縣南四十里王家橋鎮在縣南十五里

光緒湖北輿地記三

八

鄉在城東者曰豐樂鄉在城西者曰長樂鄉在城南者曰金城鄉在城北者曰宣化鄉

豐樂鄉有都二曰四都曰上五都長樂鄉有都五曰九都曰十都曰上十一都曰上十三都曰下十三都金城鄉有都五曰一都曰二都曰三都曰六都曰十二都宣化鄉有都四曰下五都曰上七都曰下七都曰八都

東路自縣前鋪三十里至桃林鋪又三十里至江夏縣山坡驛

西路自縣前鋪三十里至汀泗塘又三十里至蒲圻縣官塘驛

南路自縣前鋪二十里至馬橋鋪又二十里至毛坪鋪又二十

五里至楊樹鋪又二十里至界嶺鋪又二十五里至通山縣縣

前鋪

職官

知縣 復設教諭 訓導 典史 把總

崇陽縣

沿革

禹貢荊州之地職方爾雅亦屬荊州周爲楚地秦屬長沙郡漢爲沙羨下雋二縣地沙羨屬江夏郡下雋屬長沙郡均隸荊州東漢改長沙郡爲長沙國餘因之三國吳黃武中分沙羨置蒲圻縣屬荊州長沙郡崇陽爲蒲圻下雋二縣地晉因之宋元嘉十六年分長沙之巴陵蒲圻下雋江夏之沙陽四縣立巴陵郡屬湘州孝建元年度屬郢州又度蒲圻屬江夏郡崇陽仍爲蒲圻下雋地齊因之梁下雋屬巴州巴陵郡蒲圻屬沙州上雋郡又分下雋置樂化縣屬上雋郡崇陽爲蒲圻樂化地陳改沙州

光緒湖北輿地記三

九

曰雋州餘因之隋平陳州郡俱廢省樂化下雋入蒲圻屬荊州江夏郡崇陽爲蒲圻地唐天寶元年江西採訪使奏以蒲圻梓桐中二千餘戶去縣六百餘里若不別置縣則難以統攝二年勅於其洞桃花溪口置唐年縣屬江南西道鄂州崇陽則爲唐年地永泰後置鄂岳觀察使元和中置武昌軍節度使鄂州皆屬之五代於梁唐時鄂州屬吳梁遙改唐年爲臨夏唐遙改武昌軍爲武清軍吳順義七年改唐年爲崇陽於晉漢周時鄂州屬南唐晉遙改臨夏爲臨江南唐復改崇陽爲唐年宋開寶二年又改唐年爲崇陽屬荊湖北路鄂州元崇陽屬湖廣等處行中書省武昌路明崇陽屬湖廣布政使武昌府 國初因之康熙三年分湖廣布政使爲湖北布政使崇陽縣屬湖北布政使

武昌府

疆域

廣九十四里縱九十四里至 京師陸程三千一百里至本府陸程二百二十里橫距府經綫四十九里縱距府緯綫二百又四里斜距府二百又八里東至通山縣界四十二里西至蒲圻湖南臨湘二縣界五十二里南至通城縣江西義甯州界七十五里北至蒲圻縣界一十九里東南至江西義甯州界六十四里東北至通山咸甯二縣界五十六里西南至通山縣界六十四里西北至蒲圻縣界三十八里

天度

增日出入

緯度北極出地二十九度三十一分十九秒經度距 京師中綫偏西二度三十一分五十九秒

冬至日出卯正三刻十一分五十四秒日入酉初初刻三分六秒晝四刻六分十二秒夜五十五刻八分四十八秒夏至日出卯初初刻三分六秒日入酉正三刻十一分五十四秒晝五十五刻八分四十八秒夜四十四刻六分十二秒

山

縣境陸水以東之山均始於大盤山山在縣南七十五里幕阜山東支實至此入縣境爲縣與義甯界山山北吳城港水出焉卽高規港也大盤東北曰風車坳又北曰臨河巖其西北有小支延亘於高規港與避原港間者曰避原山臨河巖東北曰雙樹坪避原港水出焉其北有小支延亘於細港大原港與避原港高規港間者曰槐頭巖曰鐘山曰皂靴巖曰青峰巖雙樹坪之東曰小山界寒泉港水出焉其北有小支延亘於寒泉港大原港與細港間者曰石屋巖又北曰乾滲細港水出焉又北曰

獅子山馬鞍山屏風山雷公峰小山界之東北曰大湖山圖經言上有五湖蒹葭叢生朝嵐暮靄不見其頂其北有小支延亘於大原港與寒泉港閒者曰仙人山大湖之東曰九曲嶺又東北曰三峰尖曰雙岔山又東曰老龍窩又東曰鋌子坵大原港水出焉轉而北少西曰鎖石巖又北曰青草原曰金塘坳實居北山之別阜也其西北有葵山支山

葵山在金塘坳之西北分爲三支葵山東北曰西籠峰延亘於坑水與中保港之閒葵山之西曰仰山又西曰白巖山又分二支白巖山之南曰鼓臺山又南曰磨盤山又南曰拏牙山止於大原港入吳城港口北寰宇記於崇陽縣下言拏牙山有吳城港水繞巖下過其巖勢如拏牙故方輿紀要以形勢名白巖山之西北曰金匱山有洞高數十丈洞外有數

池金匱山之西北曰張家嶺東北曰馬鞍山馬鞍山東北曰長嶺曰丫髻山浮溪港出焉馬鞍山之西北曰青山巖下有龍潭又北曰城嶺圖經言周圍如城曲徑盤上田廬煙井宛若圖畫城嶺西北曰天靈山圖經言禱雨多應城嶺之北曰馬鞍背又北曰案山北對縣城僅八里橫列如案故名又北曰橫山又西北曰花山止於吳城港入陸水口東葵山之北曰龍泉山大山也中保港出焉方輿紀要言在城西南四十里周圍百餘里山有洞可容千百人石渠清映名曰魯溪鄉人號爲魯溪巖巖前產茶甚佳名龍泉茶龍泉山之西北曰伏嶺又東北曰雲集峰又西北曰真人峰又東北曰分金嶺其東南曰誥軸山東北曰南山分金之東支也分金嶺西北曰銅鐘山旁有洞穴其西曰黃土嶺其西北曰石子嶺又西

北止於白水港水受浮溪水入陸水處此皆吳城港白石港
二水閒山也

金塘坳之東北曰居北山其北有二小支西支延亘於坑水與
小東港開東支延亘於小東港與大東港閒居北山之東南曰
三界尖大東港出焉卽白石港上源也三界尖跨崇陽通山及
江西義甯州地故名山勢峻峭幕阜東支至此又分二大支其
東支爲通山南界於通山詳之其北支卽省垣正脈茲敘其爲
通山崇陽界者三界尖之西北曰北山通山縣富水別源出焉
其東北入通山境有小支曰楊竹山又北曰車頭山又北曰小
碧山又東北曰程嶺止於界首小水入富水別源處北山西北
曰石獅山又東北曰茶山又北曰靈女山方輿紀要言上有泉
又有古城號女城不知所自又北曰界首山通山縣界首小水
出焉界首之西北入崇陽境有大梅嶺支山

大梅嶺在界首山之西北爲南達義甯州之閒道大梅之西
北曰白陵山又西北曰仙師巖圖經言石屋邃廠中通往來
下有龍湫寒泉穿石竇出注爲泉陂仙師巖之北曰東平山
又北曰月山仙師巖之東曰高橋嶺又東曰油市嶺又東北
曰金城山宋黃庭堅讀書處也又東止於羊港與白石港相
會處此羊港白石港閒支山也

界首山之北曰黃鶯尖通山縣河水出焉黃鶯尖之東北入通
山境有龍棲尖支山

龍棲尖在黃鶯尖東北又東北曰芭蕉嶺芭蕉嶺之西北曰
北山巖轉而東北曰木魚山又東北曰羅阜山止於白虎山
水入縣河口西芭蕉嶺之東北曰白虎峰又東北曰白虎嘴

山白虎山水出焉又東北曰石段山石段山之北曰橫坑山
又北曰風月巖曰獨石山曰油榨山石段山之東北曰劉成
山湄港水出焉分爲二支劉成山之東北在湄港北者曰城
坑山其東南曰文林山其東曰北面山城坑山之東北曰九
門山其北曰筆架山九門山之東北曰沈家山其東曰四方
山宋家山沈家山之東北曰大壘山其北曰長嶺大壘山之
東北曰黃土山又東北曰石羅頭山又東曰荷包山其北曰
將軍山其南曰靈山荷包山之東曰赤塍山其東南曰鳳梓
山赤塍山之北曰翠屏山城南面山也方輿紀要言蒼翠如
屏上有石塔東西二泉舊有人居環繞如城又名石城山圖
經言上有賀仙崖高五丈通明如屋翠屏山之西北曰獅子
峰止於縣河受山口鋪水口東劉成山之東南在湄港南者

曰金山又東南曰雷石山轉而東北曰戈甲嶺又東北曰石
圳嶺又東北曰泉門山其北曰塍下山其東北曰望江嶺止
於湄港入富水處此皆縣河與富水別源開支山也

黃鶯尖之北曰雨山圖經言其山最高五峰筍立繇亘數十里
上有崖滴泉如乳故又名乳山其東北入通山境有雞山黃泥
山支阜西北入崇陽境者有八達山石屋巖支阜雨山之北曰
石門山其東入通山境者有兩觀山壽方山大寶山支阜又北
曰黃巖山通山南林橋水出焉其東入通山境者有馬鞍山靈
山太平山支阜此二支延亘於縣河與南林橋水之間其西入
崇陽境者有鞋嶺趙家山捷林山石屋澗山獨龍山支阜黃巖
山之北曰界頭塘崇通東西往來路也其東北入通山境者有

南村山在界頭塘之東又東北曰吳家山蔡家山又東曰靈泉會又東曰羅城山羅城之東南曰姜家坳東北曰南山南山之北曰鴨老山黃陵山南山之東止於寺下鋪水入縣河處

界頭之北曰海屏山其東入通山境者有栗林山石塘山筆架山七星山支阜海屏山之北曰落第山又北曰白羊山方輿紀要言山有洞深不可窮明一統志云晉永平中有三人乘白羊入此山故名其東北入通山境者有夜合山沖天山麥牙山大老山大蝸山鐵山嶺支阜西南入崇陽境者有馬鞍山龜山支阜白羊山之北在通山境者曰泥墻山塘角山在崇陽境者曰鄰里山蔡家嶺又北曰蓮荷嶺崇陽通山咸甯三縣交界山也崇陽之羊港水出焉其東南入通山境者有寺嶺山白鶴山獅

子觀支阜於是省垣正脈至蓮荷嶺又分爲二支其東支卽正脈爲通山咸甯界於通山詳之茲敘其西支爲崇陽咸甯蒲圻界者

崇咸界山曰石門山在蓮荷嶺之西分支西南入崇陽境曰白石巖白巖水出焉又分二支白石巖之東南曰駝泥嶺又南曰劉家巖又南曰蘇家坳又南止於白巖水入羊港口北白石巖之西南曰紫龜巖泉出其下溉田數百畝又西南曰屋背山屋背山之西曰風尖山屋背山之南曰石洞嶺石洞嶺之南曰尖山曰橫山石洞嶺之西南曰梨樹坳梨樹坳之南曰鳳家山曰大路山梨樹坳之西曰城岡嶺又西曰梧桐岡自石洞嶺以南皆蘆泉港羊港閒支山也石洞嶺之西曰西邊巖又西曰龍頭巖蘆泉港水出焉又西曰屏風山又西

曰烏土山有洞可容千人圖經言漢末有包姓者立砦於此
遊黃巾之亂又西南曰羊角峰又西南曰臥龜山又西曰程
家山又西曰皂角山又西曰南山此蘆泉港黃沙港間支山
也石門山之西北曰苦竹嶺其西南入崇陽境有老虎巖鏡
面山柳林山桃樹尖小泉嶺支阜小泉嶺黃沙港水出焉苦
竹嶺之西北曰金龍尖又西曰桂家嶺尖其西北入咸甯境
有香爐尖水立砦撥雲臺支阜桂家嶺之西曰大竹山崇陽
咸甯蒲圻三縣界山也其南有韭菜巖壁立如屏壁上出源
泉爲飛瀑其北入咸甯境者有土寨嶺穿石嶺支阜其西北
入蒲圻境者有鄭家山王家山皂角嶺支阜大竹山之西爲
崇陽蒲圻界曰大灣嶺又西曰曲尺嶺又西曰東泉嶺爲最
高峰盤亘數十里山有龍巖龍洞有泉二漑田甚廣南出者

入黃沙港北出者入小港又西曰丁家嶺駱家山又西曰洪
口山又西南曰葛仙山有靈泉遇旱禱之輒雨葛仙山之西
北曰黃葛山蒲圻陸水以東之祖山也其分支於蒲圻詳之
黃葛山之西曰壺頭山西臨陸水寰宇記言其山幽谷深邃
山下有溪穿入山中名桃花洞水是也

縣境陸水以西之山均始於筍姑山山在縣西南七十里幕阜
山之西支實至此入縣境爲縣與臨湘界山筍姑山之北曰馬
頸坳諶家港水出焉其東南有天井山支山

天井山在馬頸坳東南天井山東北曰五峰山又東曰黃沙
嶺又東曰古城山此爲城下港與東關港間支山天井山之
東曰臺山東關港伍港皆出焉有卓錫龍霖二泉遇旱禱之
輒雨臺山之東曰曹家坳又東曰白沙嶺此東關港與伍港

閒山也臺山東南曰耙耜山又東爲伍港與諶家港閒支山馬頸坳之北曰碑記坳城下港水出焉又北曰株樹窩其東有伏坳支山

伏坳在株樹窩之東伏坳之南曰緣橋山曰源頭山伏坳之北曰白土山伏坳之東曰巖頭山方輿紀要言有二巖一曰寶陀一曰羅漢俱極幽勝山周數十里其南曰大坵嶺巖頭之東曰桃源嶺又東南曰上峰嶺此城下港與桂口港閒支山也按寶宇記於崇陽縣下云天寶二年勅於桃花溪口置唐年縣今桂口港一名桃花港當卽桃花溪也南距城下港甚近城下港南有古城山古唐年城當在此閒

株樹窩之北曰朱樓坡其東有戰場山摩旗峰支阜朱樓坡之北曰雲車嶺桃花港水別源出焉又北曰十字坳蒲圻之新店

水出焉其東南有烟坪嶺桃花坳碧雲峰桐楓嶺支阜十字坳實跨崇陽蒲圻臨湘三縣地於是幕阜山西支至此復分二支其西支爲正支西盡湖南岳州之陳陵磯東支則自十字坳迤東北爲崇陽蒲圻界山

塔坳在十字坳之北其東南入崇陽境者有象鼻觜支阜桃花港水出焉其西入蒲圻境者有馮家坳支阜又西北曰徐山又西北曰寶山又西北曰水桶嶺水桶嶺之東曰橫山大山又東曰銅頂山圓山又東曰楊家山水桶嶺之北曰月山長山又北止於馬家洞水入新店水處此馬家洞水與新店水閒支山也塔坳之北曰伏嶺崇陽之雙港水出焉其東南入崇陽境者有八斗山支阜八斗山一名茶坑山八斗水出焉八斗山之東北曰陳安嶺延亘於八斗水與雙港水閒

八斗山之東南曰石門山又東南曰獅子巖又東曰烏吳山
延亘於桃花港與雙港肥田港之閒伏嶺之北曰水桐嶺崇
陽之肥田港水出焉其東入崇陽境者有方山支阜方輿紀
要言方山四面皆平瀑布懸流巖壑甚勝方山水出焉方山
之東北曰太源山延亘於方山水與肥田港閒方山之東南
曰漢梁山溟水嶺上寶山鷄鳴峰延亘於雙港與肥田港閒
水桐嶺之西北曰馬家洞馬家洞水出焉其西入蒲圻境者
有九腦芙蓉支山九腦芙蓉之西曰三架峰長林山松峰尖
又西北曰南山又西北曰亂石山又北曰萬家山又西北止
於港口司此馬家洞水與羊樓洞水閒支山也馬家洞之北
曰夏家嶺羊樓洞南水出焉其西入蒲圻境者有百花山船
艙山馬鞍山支阜夏家嶺之東北曰饒家山又東曰臘脂坳

又北曰前鋪嶺其西羊樓洞北水出焉其東入崇陽境者有
湯家山支阜前鋪嶺之北曰分水坳崇陽之崇陽港水出焉
其西入蒲圻境者曰株木坳又西曰小石山又西曰夏家山
小尖山又西曰芸香山又西南曰談山此羊樓洞水與皇華
橋水閒山也其東入崇陽境者曰羅漢嶺又東曰石嶺分爲
二支石嶺之東南曰龍登峰楊林港水出焉又分數支其南
延亘於楊林港與龍鳳港閒者曰樞木坳其東南延亘於荻
洲港與楊林港閒者曰雙峰曰大雄峰其東延亘於白泉港
與荻洲港閒者曰萬家山荻洲港水出焉又東曰許仙巖圖
經言相傳旌陽許遜追蛟過此故名許仙巖之東曰灌溪山
灌溪水出焉許仙巖之東南曰犁頭峰曰打石嶺止於陸水
石嶺之東北曰神峰又東曰團雲峰又東南曰白泉山白泉

港水出焉方輿紀要言泉流不竭宋張詠爲令嘗鑿山引水以灌田後屢修治至今爲近城之利又東南曰虎巖洞分二支虎巖洞之東北曰平岡鹿門鋪水出焉又東北曰龜冒山又東曰印山又東南曰石龜止於鹿門鋪水入陸水處虎巖洞之東曰伏嶺又東曰竹山又東曰大集山方輿紀要言自通城縣龍窖山發脈歷巖頭方山而東至此諸山崇聚故縣有崇陽之名大集山之東南曰仰蓮山又南卽縣城城之西南有七星嶺此皆白泉港與崇陽港閒支山也分水坳之北曰紙棚山其西入蒲圻境者分二支紙棚山之西曰黃麻山又西曰草地山葉家山紙棚山之西北曰神山又西北曰劉家山又西北曰白虎山又西曰雲臺山雲臺山之北曰師古山西曰白雲山南曰梳子嶺梳子嶺之西曰楊鐵嶺嶺南曰

水

望夫山嶺西北曰鸞瑞山鳳山牛頭背山此蘭港橋水與新店水閒支山也紙棚山之北曰金紫山蒲圻陸水以西諸山之始也故金紫山以東北於蒲圻篇詳之

陸水卽雋水南出通城縣東北流至縣西南六十四里之鐵東山北入縣境水北十里有古下雋城水經注言陸水又東逕下雋縣南是也陸水東北流二里受東南自堆山來之油隴港水又東北流十二里受西北出馬頸坳東南流二十五里來注之譙家港水又東北流二里受自西來注之伍港水又東北流十里有黃苔港水東南出通城東四十五里之守仙洞西流十四里逕胡家嶺南又西北流十五里至沙堆市之東有西北出永王村一水來會黃苔港又西北流十里至

堰市之東入縣境北少東流五里至黃苔橋又北流六里至進口鋪之南曰進口港又西北流三里入陸水陸水又北流二里受西出桃花洞東流逕東關北來注之東關港水又北流二里受西出碑記坳東逕古城山北流二十五里來注之城下港水又轉而東北流五里至磯埠西有桂口港水西北出象鼻背南流五里逕桃花坳北又東南流十二里有西出雲車嶺水東南流會自西來一小水東流來會桂口港又東南曰桃花港流四里逕桂口司南又東南流十二里入陸水陸水又北流四里逕靑水鋪西又東北流入里至石屋鋪西受南出子仙隴東北流又轉而西北流凡三十二里來注之梓木港水又東北流七里有肥田港水西北出蒲圻界之水桐嶺東北流十八里受自西來一小水轉而東流一里受自

北來一小水轉而東南流七里至大源山口受自西來一水又東南曰龍鳳港流十四里至馬頭畝東有雙港水西出蒲圻界山東南逕神口西流十八里至虎爪石受自西來之八斗山水又東流十里受自西北來一小水又東北流三里來會龍鳳港既會雙港水東北流五里受自西北來之陽秋港水又東南逕肥田畝南曰肥田港流七里入陸水陸水既受肥田港又東北流四里受西北自萬家山來之荻洲港又東北流里許逕洪家橋市之西又東北流八里至吳城港口有吳城港水東南出江西義甯州界之大盤山曰高梘水北流十二里會東南自臨河巖來之避原港水又北流十二里有大原港水東南出鉅子坵西北逕大原橋又西北逕居北橋流十六里會南出小山界北流二十五里之寒泉港水又西

南流十五里會東出金塘坳西南流二十二里之金港水又西南流四里至黃楊灣受自東南來之細港水又西南流六里來會高規水既會大原港又北少西流十一里逕思義坳西又西北流五里受自西來之東流港水又西北逕張家嶺青山口天靈山之西長山聖人山之東流三十里至吳城鋪北曰吳城港又北流二里入陸水陸水又東北流二里受自西來之灌溪水又東北流二里受西北自神峰山東南逕享榮橋冷坳橋洋澌橋流三十二里之白泉港水又東逕七星嶺之南流四里逕縣城南又東流三里轉而北流二里至史家渡南有白石港水東南出義甯界之三界尖曰大東港水西北流三十五里至橫嶺北有小東港水南出居北山北流會自西南來之坑水於是大東港曰深渡港西北流二里受

自東來一小水又西北流二里逕下沙坪南又西流四里受自西南來之中保港水又西北流十里逕高隄東又西流十二里轉而西北流六里受自東來之白霓橋小水又西逕金城山南曰白石港流三里轉而北流二里有橋墩港水東北出咸甯界之蓮荷嶺西南流曰羊港八里逕黑橋又西南逕高田畝西白羊畝東流十五里受東自白山來一水又南流二里逕羊港橋又南流二里受自北來之白巖水又西南流八里逕大市北又西南流十一里受自北來之楊洪橋水又西北流四里逕餘耕橋又西北逕橋墩堡南曰橋墩港流七里來會白石港又西北流一里受自東北來之後溪港又西北流六里受南出了髻山北流二十二里來注之浮溪水又西流入陸水陸水既受白石港水又北流三里受自西北

來之鹿門鋪水又北流三里受東北自龍頭泉來之蘆泉港
水又西北流五里至河田潭有黃沙港水東北出小泉嶺西
南流四里會自南來之屏風山水又東逕黃沙堡之北流入
里受自北來之東泉水又西南流二里受自東來之石山背
小水又西南流十四里來注陸水又西北逕洪上汛之北流
十里受西出分水嶺東流三十八里來注之崇陽港水又北
流二里至壺頭山西北流入蒲圻縣境詳蒲圻篇

鄉鎮

縣有鎮四鄉三堡四十一

白霓橋鎮在縣東十五里桂口鎮在縣西四十五里沙坪鎮在
縣西五十三里堰市鎮在縣西六十二里

鄉在城東北者曰天城鄉在城西者曰仁義鄉在城南者曰金

光緒湖北輿地記二

三

城鄉

天城鄉有堡二十六曰橋墩曰蕭坊曰石坑曰白羊曰豪頭曰
下巖曰青山曰西沖曰肥田曰石屋曰雷駱曰洪橋曰灌溪曰
三山曰四聖曰湯田曰上津曰下津曰河山曰銅鐘曰小港曰
浪口曰崇洪曰河田曰龍頭曰黃沙仁義鄉有堡九曰桂口曰
白螺曰方山曰進口曰星橋曰臺橋曰河西曰妙明曰城下金
城鄉有堡六曰仙師曰雙港曰沙坪曰塘峰曰茶峰曰大源
東路自縣前鋪十里至光祿鋪又十里至露口鋪又二十五里
至通山縣民安鋪

西路自縣前鋪十里至吳城鋪又十里至沙塘鋪又十里至白
屋鋪又十里至清水鋪又十里至進口鋪又十里至星橋鋪又
十里至通城縣白馬鋪

北路自縣前鋪十里至鹿門鋪又十里至王子鋪又十里至屏山鋪又十里至東流鋪又十里至蒲圻縣荆港鋪

職官

知縣 復設教諭 訓導 巡檢一員 駐紮 典史 千總

外委

通城縣

沿革

禹貢荊州之地職方爾雅亦屬荊州周為楚地秦屬長沙郡漢為下雋縣地屬荊州長沙郡東漢屬荊州長沙國三國為下雋地屬吳荊州長沙郡晉因之永嘉元年長沙郡屬湘州宋元嘉十六年度下雋屬巴陵郡隸郢州齊下雋為巴陵郡治梁分下雋置樂化縣通城為樂化下雋地下雋屬巴州巴陵郡樂化屬

光緒湖北輿地記三

三

沙州上雋郡陳因之但改巴州為岳州改沙州為雋州隋平陳州郡俱廢省下雋樂化入蒲圻通城則為蒲圻地屬荊州江夏郡唐為蒲圻地天寶元年江西採訪使奏分蒲圻南境置唐年縣元和中於唐年縣南置通城鎮即今通城也屬江南西道鄂州永泰後置鄂岳觀察使元和中置武昌軍節度鄂州皆屬之五代於梁唐時鄂州屬吳梁遙改唐年為臨夏唐遙改武昌軍為武清軍吳順義七年改唐年為崇陽於晉漢周時鄂州屬南唐晉遙改臨夏為臨江南唐復崇陽為唐年宋開寶二年又改唐年為崇陽通城則為崇陽地熙甯中分崇陽之通城鎮為通城縣紹興中廢為鎮旋復為縣屬荊湖北路鄂州元通城屬湖廣等處行中書省武昌路明通城屬湖廣布政使武昌府 國朝因之康熙三年分湖廣布政使為湖北布政使通城屬湖北

布政使武昌府
廣七十七里縱四十二里至京師陸程三千一百八十里至

本府陸程三百里橫距府經綫九十里縱距府緯綫二百六十

三里斜距府二百七十六里東至崇陽縣界四十三里西至湖

南巴陵縣界三十四里南至湖南平江縣界三十里北至崇陽

縣界十二里東南至江西義甯州界四十里東北至崇陽縣界

五十里西南至湖南巴陵平江二縣界三十六里西北至湖南

臨湘縣界三十四里

天度 增日出入

緯度北極出地二十九度十三分二十四秒經度距至京師中

綫偏西二度四十六分二秒

光緒湖北輿地記二

三

冬至日出卯正三刻十一分十秒日入酉初初刻三分五十秒

晝四十刻七分四十秒夜五十五刻七分二十秒夏至日出卯

初初刻三分五十秒日入酉正三刻十一分十秒晝五十五刻

七分二十秒夜四十刻七分四十秒

幕阜山一名幕浮山在縣南四十四里吳太史慈建幕處也南

轅山自廣東湖南江西三省交界處分支北迤爲湖南江西界

山至幕阜山又爲湖南江西湖北三省交界分爲東西兩大支

其東支爲黃龍山西支爲雲溪山而幕阜山北有獅象山支山

獅象山在幕阜山北又北爲王泥坳又西北曰石塆山又分

二支石塆山之東北曰豬泥山又東北曰虛空山又北止於

虛空港入菖蒲港口南石塆山之西北曰黃家山又西北曰

鉤嶺嶺西虛空港水出焉又北曰海雲山曰紫陽山又北曰三鳳嶺又分二支三鳳嶺之東北曰黃鶴山又北止於太平港入菖蒲港口東三鳳嶺之西曰白玉山又西曰燕下嶺又西曰百丈山山北太平港水出焉又分爲二支百丈山之北曰桃源洞又分二支桃源洞之西北曰桐坡山又北曰錫山圖經言舊產錫故名又產銀亦曰銀山方輿紀要云唐初置錫山鎮後改爲通城云又西曰柳家山又北曰九宮山桃源洞之東北曰常陵坳又北曰黎家嶺其東北曰大峰尖止於太平港口之西其西北曰王家山止於菖蒲港入陸水口南百丈山之西曰神龍山又西曰曾家山山北秀水出焉又西北曰梧桐山相傳有鳳棲此又北曰尖山又東北曰團山又東北曰古龍山又東北爲縣城止於秀水入陸水口南此皆

陸水與菖蒲港閒支山也

幕阜之西北曰雲溪山圖經云雲溪山在縣南四十里以今圖計鳥道實在縣南少東三十四里寰宇記於崇陽縣下云雲溪山在縣西二百二十里山甚峭峻中有清流界道如帶宋初通城未立縣尙屬崇陽也山北有石源嶺陸水出焉雲溪之西北曰僻家山北有東西二支山其東支曰六甲山在僻家山北其北曰華家山其西北曰石門山又西北曰沙墩山又西北止於丁沖鋪水入陸水口東其西支曰丁沖山在僻家山西北又北曰謝家山此丁沖鋪水與陸水閒支山也

僻家山之西曰徐家山丁沖鋪水出焉又西曰元鳥嶺又西曰棋盤山山北有楊塘坳支山

楊塘坳在棋盤山之北又北曰九嶺山寰宇記言其有九山
連接又北曰保駕山止於丁沖水入陸水口西此丁沖水與
靈官市水開支山也

棋盤山之西曰伏龍山又西曰張師山又西曰蝦蟆石又西北
曰古崙峰峰東北有石角山支山

石角山在古崙峰之東少北又分二支石角山之東南曰黃
家山又東南曰松港洞又東南曰獅子山其西北曰桃花尖
東北曰華龍山止於靈官市水入陸水口西石角山之東北
曰程家山又北止於石角鋪水入陸水口南此靈官市水與
石角鋪水開支山也

古崙峰之北少西曰月田山石角鋪水出焉東北有石溪洞小
支

石溪洞在月田山之東少北又東曰鷹觜巖又北曰張崙尖
又東曰王家山又東北曰李家山又東北曰鬼眼山此石角
鋪水與長隄圖水開支山也

月田山之北曰雲陽山其東爲佛林坳長隄圖水出焉東北有
李家山支山

李家山在雲陽山之東北又東北曰鄧家山又東北曰何陵
坳又分二支何陵坳之東北曰白米山卽圖經之白面山云
南唐保大中嘗徙縣治於山下宋平江南復舊治按南唐未
置通城縣唐天寶二年置唐年縣五代吳改爲崇陽南唐復
曰唐年圖經言徙縣治於白面山下當是唐年也白面之東
北曰月半山又東北曰周家山又東北曰寒婆山又北曰青
山又東北曰鐵東山止於黃沙港水入陸水口南何陵坳之

西北曰高家山又西北曰梅家山又東北曰五斗山又東北曰茅坪山又東北曰樊家山又東北曰彭家山止於梅港入黃沙港口西此左港黃沙港與陸水開支山也

雲陽山之西北曰楊和尖又西北曰相師山左港水出焉有支山東北池止於左港與龍藏港相會處相師山之西北曰龍藏山龍藏港水出焉又北曰印洪山東有永安山支山

永安山在印洪山之東又東北曰章家山又東北曰奇崙山又東北曰青雲山又東北曰白石山止於黃沙港與龍藏港相會處此龍藏黃沙兩水開支山也

印洪山之北曰石人山觀沖港水出焉又北曰界頭山其東有清福山支山又東曰羅家坳又東止於黃沙港與觀沖港相會處界頭山之北曰楚門界山黃沙港水出焉又東北曰任家山

東南有黃家山支山

黃家山在任家山東少南又東曰銅鼓山又東南曰鳳皇山又東南曰白家山又東曰黃家山又東止於鐵東水與黃沙港相會處此黃沙鐵東兩水開支山也

任家山之東北曰東源洞鐵東港水出焉其東南有櫟山支山又東南止於櫟坪畝水入鐵東港處東源洞之東北曰龍窖山方輿紀要言深谷巨壑雲氣葱鬱又東北曰翦姑山大山也盤跨通城崇陽及湖南臨湘三縣地縣亘數十里龍窖蓋其別阜故通城崇陽皆有龍窖山名自雲溪至翦姑實幕阜西支也均爲通城與湖南臨湘界山而翦姑山之南有四腳嶺支山自四腳嶺池南歷大平市楊家鋪者爲櫟坪畝水與井闌溪水開一支自四腳嶺池東南曰天吉山又南歷萬家畝周家畝者爲井

關溪水與平市水開一支筲姑山之東南有齋公坡支山爲通城崇陽界

齋公坡在筲姑山之東南又東南曰中台山又東南曰金窩嶺又東南曰豐城嶺又東南曰石背頭止於鐵束黃沙兩港會流入陸水口北此鐵束與崇陽之講家港開支山也

幕阜山之東北曰黃龍山圖經言在縣南四十里今以鳥道計之實在縣東南四十四里傳山頂有湫中有二黃魚能致雨山北菖蒲港水出焉黃龍山之東北曰白鶴山其北有南行山爲菖蒲港東西兩源開支山白鶴山之東北曰交牙山又東北曰南樓嶺嶺北菖蒲港東源出焉其東北有長沖支山

長沖山在南樓嶺東北又東北曰雞籠山曰麻埠山又北曰晉家嶺又西北曰七里山又西北止於鯉港會菖蒲港處此

光緒湖北輿地記三

三

菖蒲港鯉港二水開支山也

南樓嶺之東北曰苦竹嶺嶺北鯉港水出焉又東北曰烏石尖其西北有仙人洞山爲鯉港水東西兩源開支山烏石尖之東北曰囊荷嶺又東北曰姚家山山西北鯉港水別源出焉又東曰大盤山山北吳城港水出焉方輿紀要言山嶺盤紆廣遠實跨通城崇陽及江西義甯州地自黃龍至大盤爲幕阜西支均爲通城義甯界山而大盤之北有麻嶺支山爲通城崇陽之界麻嶺在大盤山西北又西北曰黃茅山分爲二支黃茅山之

西北入通城境曰白石崙又西北曰昭靈山又西曰林家嶺又西曰雲蓋山圖經言時有雲氣如蓋其西南支曰徐家山雲蓋之西北曰胡家山其東北支曰獅形山西南支曰楊家山胡家山之西北曰陸家山又西北曰堆山至崇陽界油隴

港水出焉堆山之東北曰瑣石嶺又北入崇陽境曰鳳皇山又北止於黃苔港入陸水口南此黃苔港與鯉港新安港陸水閒支山也黃茅山之北曰雞鳴嶺又北曰天井窩分爲三支天井窩之西南入通城境曰守仙洞黃苔港水出焉又西曰吳家山又西北曰孫家山又西南曰胡家嶺天井窩之西北入通城境曰琉璃山又西北曰九曲嶺又西曰茅山又西曰任家山又西曰唐家山又西止於永王村水會黃苔港口東此永王村黃苔港兩水閒支山也天井窩之北曰大溪嶺分爲二支大溪嶺之西南入通城境曰張家嶺其西北支曰長梅山張家嶺西南曰舒家山又西曰子仙隴至崇陽界梓木港水出焉其東北支在通城境者曰靈芝峰其北支入崇陽境者曰蛾眉嶺又東北曰黃鷹峰又北曰頓旗山其西支

光緒湖北輿地記二

三

曰磯埠頓旗山之東北曰茱萸山方輿紀要言層巒疊嶂勢若連雲圖經言唐存制禪師居此以其多蛇虺毒物植茱萸解之故名又北曰旗帳山又北止於梓木港水入陸水口南此梓木港與黃苔港陸水閒支山也大溪嶺之西曰神株坳東流港水出焉曰三陽峰又北入崇陽境曰簡家山又北曰梓木峰又北曰石龍山曰聖人山又北曰楠木嶺曰聖降山又北止於吳城港入陸水口南此吳城港與鯉港黃苔港梓木港陸水閒支山也神株以南爲通崇界以北爲崇陽山

水

陸水一名雋水源出縣東南二十八里之石源嶺蓋幕阜山北麓也水經注言陸水出下雋縣西三山溪今通城本下雋地而崇陽縣西南六十里有古下雋城今陸水源不在其西

酈所言蓋別源也所謂三山谿者言源出不一山也陸水北流九里逕丁家村之西又北流四里轉而西流逕百丈山神龍山之南凡十里至胡家村西北有丁沖鋪水南出平江界山北流逕丁沖鋪西十五里來會陸水又西北流逕保薦山北轉而西南流凡十里至九嶺山西北有靈官市水西南出張師山東北流十里逕靈官市北又東北流八里來會陸水又西逕華龍山北朱良里南流八里轉而東北流二里至石坳有石角鋪水西出月田山東北流六里逕石角鋪北又東北流十四里來會陸水又東北流八里至大坪坳西北有長隄圖水西出佛林坳東北流二十里來注陸水又東北流七里逕徐家鋪北又東北流逕上雋鄉南古龍山北凡十里至縣城北水經注陸水東逕陸城北殆卽今縣城陸城非郡縣

名當爲陸水上之城耳蕭梁所置上雋郡當治此城故今城北鄉猶名上雋也陸水又東北流二里受自西南流二十里來注之秀水又東北流三里有新安港水源出縣東南四十里之黃龍山一曰菡蒲水北流十六里至虛空山東受東南自南樓嶺來一小水又北流六里至虛空港口受西南自黃家山來之虛空港水又北少西流十二里有鯉港水東南出苦竹嶺北西北流十四里受東自姚家山來一小水又西北流十里逕鯉魚市北又西北流五里來注新安港水又西北流九里至新港市南受西南自太平市來之太平港水卽方輿紀要之東港也又西少北流十里會陸水陸水旣會新安港又北少東逕毛公鋪水口鋪之西流七里至鐵東山東北有黃沙港水西出石人山一曰觀沖水東北流十六里受

西北出楚門界山逕北港市北流來之北港水又東南流四里有龍藏港水西南出龍藏山東流十里逕龍藏市北又東流四里受西南自相師山東北流來之左港水又東北逕花涼亭之東都家村之西流十八里來會黃沙港又東流十三里至彭家山東北受西南自梅家村來之梅港水又東北流五里有鐵束港水西北出東源洞山東南流十三里受自北來之櫟坪畝水又東南逕上黃里北流五里受自北來之井闌溪又東南流六里受自北來之平市水平市水凡二源鐵束港又東流五里來會黃沙港既會鐵束港又東流五里會陸水陸水既會黃沙港水又北流入崇陽縣境詳崇陽篇

鄉鎮

縣有鎮市九鄉三里十五

光緒湖北輿地記三

三

十里市在縣南十里官塘市在縣東二十里塘湖市在縣東四十里麻埠市在縣東南三十里麥市在縣東南三十里崇古市在縣西二十里大平市在縣東五里沙堆市在縣東北二十五里新安河市在縣東南二十五里

鄉在城東者曰樂化鄉在城南者曰天寶鄉在城西北者曰上雋鄉

樂化鄉有里六曰新安曰修竹曰在坊曰梓木曰盤庚曰石窩天寶鄉有里三曰上大曰下大曰崇仙上雋鄉有里六曰朱良曰甫田曰上黃曰下黃曰來蘇曰上善

北路自縣前鋪十里至白馬鋪又十里至路星鋪又十里至進口鋪又十里至清水鋪又十里至石屋鋪又十里至崇陽縣吳

城鋪

職官

知縣

復設教諭

訓導

典史

把總

光緒湖北輿地記三

三



黃通齋編

信欽

典史

冊



